

Ammasumik ataatsimiinnermi oqaluuserisassat:

- Imm. 01** **Oqaluuserisassat akuersissutigineri**
- Imm. 02** **Allaffeqarfimmit paasissutissiineq**
- Imm. 3.1** **2021-mi sanaartornermut aningaasaliissutit atorneqanngitsut 2022-mut
nuutsinneqarnerat**
- Imm 4.1** **Sisimiuni 2022-mut asfalteerinnissamut pilersaarut pillugu innersuussut**
- Imm. 4.2** **Avatangiisinik pitsanngorsaannissamut aningaasaliissutit 2022**
- Imm. 4.3** **Aputaajaasarnermut aqqusinernillu tamanut atugassianik ingerlatsiner
maleruaqqusassatut siunnersuut**
- Imm. 4.4** **Sisimiuni Maniitsumilu kalaalimineerniarfinni akit assigiinnissaat.**
- Imm. 6.1** **Maniitsumi Atuarfik Kilaaseqqap nutarsarneqarnissaanut sanaartornermut
pilersaarutip 2022-mi maajimi killiffianik paasissutissiissut.**

- Imm. 08** **Tamalaat**

Ataatsimiinneq allartippoq nal. 12:35

Ataatsimiinneq naavoq nal.13:54

Peqataasut:

Inuit Ataqtigiit

Nivi H. Efraimsen

Siumut

Gideon Lyberth

Barnabas Larsen (Nukaaraq)

Aqqalu Skifte

Naleraq

Karl Lyberth, nal 13:25 anivoq (nakorsiarluni)

Nalunaaruteqarlutik peqataannngitsut:

Nalunaaruteqaratik peqataannngitsut:

Imm. 01 Oqaluuserisassat akuersissutigineri

Oqaluuserisassat akuersissutingineqarput

Imm. 02 Allaffeqarfimmit paasissutissiineq

Aningaasaqarnermut allaffeqarfimmiik Qeqqata Kommunia tamakkerlungu aningaasaqarneq saqqummiuppaa aammalu Teknikkimut Avatangiisinullu aningaasaqarnermut sipaarutsissanik saqqummiipput.

Maniitsoq:

Maniitsumi oliemikoortoq, paasineqarpoq suminngaanneertoq.

Økonomikursus ingerlanneqarpoq.

Aqqusinilerisut aammalu ferie sulisut amingarlutik ingerlaarpoq.

Aqqusinermik manissaasoqarpoq, projekt ingerlanneqarpoq aqqusineq aqqinneqarnissaanut (Masanti) suliaqarpoq.

Puttasut ingerlanneqarput, sanaartukkat ajunngitsumik ingerlapput.

Kangaamiuni aqqusineq aammalu atuarfik ingerlapput.

Napasog anartarfiit eqqaaviillu sulii ajornartorsiutaavoq.

Sisimiut:

Aqqusinerit ilaartorneqarput, puttasut singinneqarpuq, nutaanngittullu nutaanik taarserneqassapput.

Sarfanguani formandissarsiorneq ingerlavoq, Sisimiuni driftlederimik pissarsiorpoq, aammalu atorfininnissaa naattorsuutaavoq.

Sissami kraneg misissorneqarnikuuvoq, siunnersuut suliarineqarpoq kranip aqqinnissaanut.

Meeqqerivik akiani naammassivoq, Sarfanguani multihus sanasussat isumaqatingiissutingineqarput.

Kangerlussuarmi utoqqaat inissaat marluk, massakkullu atortussat tikingajalerput.

Kloakkilersuisoq jaakunnguup Aqqutaani ingerlavoq.

Misissueqqaarneq licitation kingusingineqarpoq, suliariumannittussarsiuussineq ingerlavoq.

Taseralik suliarineqarnera pissusissamisut ingerlavoq.

Naluttarfik oqaluusineqassooq ingerlariaqqinnissaanut.

Taxavedtægt 1980-meersoq allanngortinnissaa Namminersorlutik Oqartussat tusarniaaffingineqarpoq.

Imm. 3.1 2021-mi sanaartornermut aningaasaliissutit atorineqanngitsut 2022-mut nuutsinneqarnerat

Journalnr. 06.03.01

Tunuliaqutaq

Ilanngussami sanaartukkanut ingerlasunut tunngatillugu 2021-mi aningaasaliissutinik atunngitsuukkanik (sippuinnernullu) 2022-mut missingersuutitut sanaartukkat aallartisarneqareersunut ilanngussaq 1-mi allassimasunut nuutsitsinissamik Teknikkeqarnermut Avatangiisinullu immikkoortortaq matumuuna siunnersuuteqarpoq.

Maleruagassaigut tunngavissat

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Pissutsit atuuttut

Sanaartornermi suliassat takussutissiami ilanngussaq 1--imi qalipaaserneqarput.

Suliami Sisimiut Maniitsullu eqqaani sanaartornerit kiisalu ataatsimoorussamik atuiffimmi suliassat pineqarput.

Quleriaani "Oqaaseqaatit" ataani sanaartugassanut pilersaarutini aningaasanik atunngitsuukkanik imaluunniit sippuissutinik nuutsitsinissamik kissaatigineqarnerit sumiiffinni allassimapput.

Illunik nutarsaanernut, sunngiffimmi silami atortorissaarutitut, atatasimut nunaqarfinni aqquserniornernut avatangiisinillu tapiissutinut ukiumut aningaasaliiffigineqartartunut atunngitsuukkanut sippuinnernulluunniit nuutsinissaq qinnuteqatigineqanngilaq, ingerlatsinermut immikkoortunit Sunngiffimmi immikkoortunit suliassanerorpasimmata atunngitsuukkanik sippuinnernulluunniit nuutsinissamik qinnuteqartoqanngilaq. Sanaartukkani naammassereersuni atunngitsuukkanik nuutsinissamik sippuinnernulluunniit qinnuteqartoqanngilaq.

Atuilluartaunissakkut kingunerisinnaasa

Kingunissaqanngilaq, sanaartukkat aallartisarneqareersut naammassineqarnissaanut aningaasaliissutit nuutsinneqarnissaat pisariaqarpoq.

Aningaasaqarnikkut allaffissornikkullu kingunerisinnaasai

Sanaartukkanut isumaqatigiissuteqarfioreersunut naammassinninnissamut kommuni pisussaaffeqarpoq.

Suliassanut suli sanaartornissamut entreprenørinut isumaqatigiissuteqarfiunngitsunut, sanaartorneqarnissaat pisariaarussimasutut nalilerneqarsimappata, sanaartugassat maannakkut unitsiinnerneqarsinnaapput. Suliniutit taakku unitsinneqarsinnaasut "sanaartornissamut pilersaarut amigaataavoq"-mik allassimapput.

Entreprenørinut akiliutigineqartussat akilerneqareerpata kiisalu ukiup ataatsip ingerlanerani amigaatit iluarsinissat naammassineqarsimalerpata, sanaartornermi sulinerup naammassinissaanut sanaartornermut naatsorsuutit suliarineqassapput.

Allaffeqarfiup naliinnera

Suliassanut suli aallartinneqanngitsunut nuutsinissamik periarqartitsineq peqquteqarpoq, ilaatigut siunnersuisartut / entreprenørinut kinguaattoorsimanerat, ilaatigut ukioq kingulleq siunnersuisartut aamma entreprenørinut suliarissallugit angumerinngitsoorsimasaannut sanilliullugu siusinnerusukkut ukiuni missingersuusiorfiusuni aningaasat amerlavallaat atugassiissutigineqartarsimanerat imaluunniit

sanaartornissamut pilersaarutip suli akuerissutigineqarsimannginnera. Ukioq 2021-mi Corona pillugu killilersuineq nalinginnaasumillu sanaartornermik suliallit ulapputeqarnerat peqqutigalugit, entreprenør it ilinniarsimasunik sulisussarsiniarnerat ajornakusoorsimavoq, taamaattumillu suliassat ilarpassui kinguuaattorfiusimallutik.

Sanaartornermut aningaasaliissutini sippuinerni, ukioq maannamut missingersuusiornermi annikinnerusoq ukioq mannalun annertunerusoq naammassineqarnissaanut naatsorsuutigineqarsimagaluartut, taamaattorli ukioq kingullerli naammassineqarsimanerat/akilerneqarsimanerat patsisaavoq. Nuutsineq sinneqartoorutitut nuutsinertut ingerlanneqassaaq.

Suliat ilaannut atuiffinnut aalajangersimasumik sumiiffilinnut ataatsimoorussamik atuiffimit nuutsinissaq amigaataavoq imaluunniit suliniutinut normunut arlalinnut agguatarsimallutik, uani allassimavoq "takuk suliniut 500xxx". Atuiffinnut marlunnut Kommunalbestyrelsen matoqqasumi ataatsimiinnerani 2021-mi missingersuutinut ilassutitut aningaasaliissutit akuerisaasut ERP-mi systemimit eqitsit tiguneqartumi suli ikkunneqarsimanngitsumi takuneqarsinnaapput. Suliniutini pineqartuni KB 04/19 nr. 500073 Sisimiuni utoqqarnut inissiat 5,7 mio. aamma KB 05/21 nr. 500178 Maniitsumi iliveqarfimik alliliineq allanneqarsimapput.

ERP-systemi nutaaq malillugu sanaartugassani suliniutit normui malillugit tulleriiaarlugit allattorsimapput. ERP-systemimi atuiffiit allattorsimaffianni immikkoortukkaat amigangaatsiarput ukununga tunngasut, immikkoortortaq siunertaq, art-i, sumiiffik aamma suliniutit, akiligassiissutit ilaat suliassap normuanut ataatsimut naatsorsuutinut ilanngunneqarsimapput, taamaalilluni suliniummut ataatsimut titarnerit arlaqartut atorneqarlutik. Immikkoortukkaanut toqqagassat ilanngarneqarsinnaanerit isumaliutigineqarsinnaavoq, taamaalilluni missingersuutit anillatsinnerani titarnerit ikinnerulerlutik, paasiuminarnerunissaanut suliassap normuanut titarneq ataasiinnaq.

Suliassat sanaartugassanut ukiumut aningaasaliissutitallit ingerlatsinermut missingersuutinut nuunneqarnissaat aamma eqqarsaatigineqarsinnaavoq, taamaaliornikkut sanaartugassanut missingersuutit paasiuminarnerulersillugit.

Suliassat normuisa ilaat ilassutinik normulersugaapput, soorlu 001-mi aningaasaliissutinik agguataarinermi suliassat arlaqartut ataatsimoorumik suliassat normoqarput, tamannalu ajorluartumik paasiuminarsaanerunani kukkusumik konteeriinissamut aarlerinaammik qaffatsitsivoq. Suliassanut normut taakku immikkut paatsuugassaangitsumik suliassap normulerlugit nuunneqarnissaat eqqarsaatigineqarsinnaavoq.

Suliniutit normuisa ilaanni aningaasaliissutit nuunneqartut suliniutit normuini ataasiakkaani atunngitsuukkat sippuilluniluunniit atukkat aningaasartarivaat.

2021-mut sanaartugassanut ilanngaasereerlugit aningaasat atunngitsuukkat 195.535.530 koruuniupput, ilanngaasereerlugilli taamaallaat 193.855.948 koruunik nuutsinissaq qinnuteqaatigineqarluni, tassami sanaartukkani naammassereersuni sinneruttunik nuutsinissamik qinnuteqartoqanngilaq aningaasaliissutinilu ilanngaasereerlugit sinneruttut katillugit 1.679.582 koruunit karsimut utertittussaapput.

Teknikkeqarnermut avatangiisinullu immikkoortortap innersuussutaa

Teknikkeqarnermut Avatangiisinullu immikkoortortamit innersuussutigineqarpoq:

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa, sanaartornermi aningaasaliissutit atunngitsuukkat katillugit 193.855.948 koruunit 2021-mut missingersuutiniit 2022-mi missingersuutinut nuutsinneqassasut, ilanngussaq 1-imi

inissinneqartumi allassimasut malillugit sanaartugassatut suliniutini ataasiakkaani agguataarnerat
pissalluni.

Aalajangiineq:

Innersuussut akuersissutingineqarpoq

Bilag 1: Eqitsit PBI21, 2021-mit 2022-mut sanaartornermut aningaasaliissutinik atorneqanngitsunik
(imal. sippuineq) nuutsinissamut atuiffik aningaasallu annertussusaat.

Imm 4.1 Sisimiuni 2022-mut asfalteinissamut pilersaarut pillugu innersuussut

Journalnr. 23.02.08

Tunuliaqutaq

Aasaanerani asfaltserinissaq qanillivoq aammalu aasaanerani asfalteinissamik pitsaasumik pilersaarusiortoqarnissaanut pingaaruteqarpoq, ingerlaarfiit sorliit 2022-mi asfalteinEQassanersut paasineqarnissaat. Ingerlaarfinnut takinerusunut ukiuni kingullerni ingerlaarfiit amerlanerusut pilersaarusiortifigineqarnikuupput, tassani nungusimanernut nutaamik qalliisoqassalluni. Taamaattumik ingerlaarfiit sorliit pisariaqartitsinerunersut kommunip sannavia formandit isumasioqatigalugit ataatsimeeqateqartoqarnikuuvoq.

Maleruagassaigut tungavissat

Pisortat aqqusiniutaannik aserfallatsaaliineq kommunip suliassaraa.

Pissutsit atuuttut

Ilanngussaq 3 naapertorlugu – aningaasaqarnermut takussutissiami suut asfalteinissaat ingerlanneqassanersut pillugit allaaserineqarput.

2022-mi sakkortusaavimmut ikaartarfiup tungaanut ingerlaarfimmi Nukissiorfiit assaanissamik pilersaaruteqarmata, aasap ingerlanerani Nukissiorfiit suliniutaata naammassinissaanut mittarfimmut aqquserngup sinnera utaqqitinneqassaaq.

Aqqusinerni imaluunniit pisuinnaat aqqutaani pioreersuni annikitsuinnarmik ajoqusernertut pitsanngorsaanernullu atatillugu atugassanik aamma aningaasaliissutinik immikkoortitsisoqarnikuuvoq.

Atuilluartuunissakkut kingunerisinnaasai

Aqqusinernik asfalteinEQarsimasunik ataavartumik nutarterineq angallannermik eqaannerusumik pitsaannerusumillu pilersitsisarpoq. Pisariaqarfiini aqqusinernik iluarsartuussisarneq ataavartumik aaqqiinerunani siunissamut aningaasartuutaaginnartarpoq. Aqquserngit itersaqartillugit angallannermi isumannaatsuusitsinissaq pitsaajunnaartarpoq, soorluttaaq angallattunut atortunullu ajoqusiisinnaasartut. Asfalteinermut atatillugu erngup eqqortumik kuutsinnerata qulakkeerneratigut, aqquserngup toqqaviisa piunissaasa sivitsorneqarnissaanik qulakkeerisoqassaaq.

Aningaasaqarnikkut allaffissornikkullu kingunerisinnaasai

Aqqusinernik pisuinnaallu aqqutaannik nutaanik pilersitsissagaanni, taakku pitsaassusaat attatiinnassagaanni aserfallatsaaliineqarnissaannut aningaasanik amerlanerusunik ataavartumik immikkoortitsisoqartariaqarpoq.

2022-mut missingersuutit iluini atorneqartussat:

562040800 SIS Ingerlatsineq TEKNISK – ”Asfaltiorfik”, 1.516.837 koruuninik ingerlatsinermit missingersuuteqarpoq. Tassunga asfalteinermut akunnermusiallit, bitumen-imik pisineq, asfaltiorfimmik aserfallatsaaliineq aamma asfaltiorfimmik attuumassutillit ingerlatsinermit aningaasartuutit allat ilaapput. Sanaartornermut atuiffimmut akiligassiisosqartarpoq aammalu privatit allat asfalteinEQarneri.

Ingerlaarfiit asfalteinEQartut sanaartornermut atuiffimmit 500132 Sisimiuni Asfalteinermi akilerneqassapput, tassani 2022-mi 2.500,000 koruunit immikkoortitaallutik. 2021-miit 915.571 koruunit 2022-mut nuutsinneqarput, taamaalilluni 2022-mi asfalteinermut missingersuutit tamarmiusut 3.415.571 koruuniullutik.

Asfalterinermi sulisunut biilnik pissarsinissamut 562040800 SIS Ingerlatsineq TEKNISK - "Asfaltiorfik"-mit 600.000 koruuninut biilnik pisisoqarpoq. Tamanna maannakkut marluinnarnik billeqarnermik aammalu sannaviup suliasai naammassiumallugit biilnik attartortarnermik peqquteqarpoq. Asfalterinermut sulinermi biilimik atugassamik pisinikkut, biili attartugassaq taarserneqassaaq.

Akiligassiilluni suliasat allat 2022-mi asfalterinermut pilersaarutaasut, ingerlatsinermik aningaasaliissutini aamma asfalterinermi atuffimmit ilaatinneqanngitsut ilaatigut tassapput,

- C 14,15 sanaartorfissagissaaneq, suliniut 50144
- Meeqqerivik Akia
- Qimmilivimmut aqqut, suliniut 50066
- Emiliap aqq./ aqqusineq Alaaq, isaariaa tikillugu

Taakkununga ilanngutissapput privatit asfalteritinnissamut inniminniissutaat.

Allaffeqarfiup naliinnera

Allaffeqarfiup nalilerpaa, aqquserngit pingaarnernik tamakkiisumik nutarterinissamik pisariaqartitsinissaq annertusiartuinnassasoq, ilutigalugulu aqqusineqqat massakkut asfaltigaanngitsut asfalterneqarnissaannik kissaatit annertusiartuinnassasoq.

Tassunga asfalterinermut aqqusinernillu allatigut iluarsartuussinernut atatillugu, illoqarfik suliarineqarluarsimasutut isikkoqalersillugu, nunatat angallaviunngitsut ilanngullugit, erngup naammattumik kuutsinnissaa kiisalu nunap ilusaanik paarsilluarnissaq pilersinneqassaaq.

Aputip aakkiartorneratigut kiisalu ukiuunerani aqquserngup ajoqusernerisa kingunerisaanik aqqusinerni itersanik iluarsaassinerit assigiinngitsut eqqaassanngikkaanni, asfalterineq juunip qiteqqunerani aallartittarpoq.

Innersuussut

Teknikkeqarnermut avatangiisinullu immikkoortortap Teknikkeqarnermut avatangiisinullu ataatsimiititaliamut akuereqqullugu innersuussutigaa,

Ilanngussaq 3 naapertorlugu 2022-mut ingerlatsivimmi asfalterinissat akuersissutigineqassasut.

Aalajangiineq

Innersuussut akuersissutingineqarpoq

Ilanngussaq

1. asfalterneqarnissamut pisariaqartitsisut, immikkoortunut tamanut takussutissiaq.
2. Nunap assinga.
3. 2022-mi asfalterinermut aningaasaqarnikkut takussutissiaq.

Imm. 4.2 Avatangiisinik pitsanngorsaaniissamut aningaasaliissutit 2022

Journalnr. 06.01.03

Tunuliaqutaq

Avatangiisinik pitsanngorsaaniissamut sanaartornermut missingersuutini suliniut 50019-imi ukiumut aningaasaliissutissanik 1 mio. koruuninik immikkoortitisoqarnikuuvoq. Aningaasaliissutit 2022-mi qanoq atorneqarsinnaanerit pillugu allaffeqarfik siunnersuuteqarpoq.

Maleruaqqusatigut tunngavissaq

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq

Pissutsit atuuttut

Nunaqarfinni eqqakkanik ikuallaasarneq 2020-mi unitsinneqarpoq/taamaatinneqarpoq, Tassunga atatillugu Kangaamiuni Itillimilu ikuallaaveeqqanik paaaniissamut tapiiffiqineqarnissaq pillugu teknikkeqarnermut ingerlatsivik avatangiisinut aningaasaateqarfimmumut qinnuteqarpoq.

Aningaasaliissutit 1 mio. koruuniusut 2022-mi tullinnguuttut atorneqassasut siunnersuutigineqarpoq, ilangussaq 1:

Projekt	Medfinansierings Beløb	Projektbeløb
Medfinansiering til miljøfondspuljen - Nedtagning af ovne	108.750,00	435.000,00
Medfinansiering til miljøfondspuljen - Brgrænsning af mikroplastudledning fra kunstgræsbaner	50.000,00	199.500,00
Medfinansiering til miljøfondspuljen - Pilotprojekt, affaldhåndtering kangerlussuaq etape 2	105.000,00	420.000,00
Affaldstransport i samarbejde med ISANI - Sisimiut	368.125,00	500.000,00
Dumoprydning i Maniitsoq	368.125,00	368.125,00
Total	1.000.000,00 kr.	1.922.625,00

Avatangiisitigut pitsanngorsaaniissamut, eqqagassalerinissamut il.il. suliniutinut assigiinngitsunut Qeqqata Kommunia tapiiffiqineqarnissaminik ukiut tamaasa Avatangiisinut Pinngortitamullu Naalakkersuisoqarfimmumut qinnuteqartarpoq. Suliniuti tapiiffiqineqartussaqqissutut Namminersorlutik Oqartussat toqqagai tapiiffiqineqassappata, kommunit namminneerlutik minnerpaamik aningaasartuutissat 25 procentiat aningaasaliiffiqisassagaat piumasaqaataasarpoq.

Nammineq aningaasaliissutissatut missingersuutitigut 263.750 koruunit tikillugit killiliussaqartitsinermi, Maniitsoq Sisimiullu suliniutinut 1.054.500 koruunit tikillugit qinnuteqarsinnaapput - taamaattumillu Namminersorlutik Oqartussanit 790.750 koruunit utertinneqarnissaannut siumut akuersissuteqarfineqarsinnaallutik.

Kommunimi illoqarfinnut nunaqarfinnullu tamanut suliniutit tunngassuteqarsinnaapput.

Taakkununga ilangullugu tiguisinnaanermik amigaateqarneq pissutigalugu eqqakkat ikuallanneqarsinnaanngitsunut illoqarfinniit eqqakkanik assartuisarnissaq pillugu avatangiisinut aningaasaateqarfimmumut tapiiffiqineqarnissaq pillugu ESANI siumut akuersissuteqarfineqarnikuuvoq. Sisimiuni eqqakkat balletsinut poortorneqarnikuupput eqqaavissuarmi paarineqarlutik initoqutaallutillu. Taakku ukioq manna peerneqanngippata, kommuni eqqaaveqarfimmik nutaamik pilersitsisariaqalissaaq. Eqqagassanik assartuinissamut suliniut 500.000 koruuninik missingersuutini sinaakkuteqarpoq, eqqakkat 600 tons nassiunneqarsinnaallutik. Uani avatangiisinik pitsanngorsaaniissamut aningaasaliissutiniit 368.125

koruunit aamma eqqaavissuarmut akigititanut akiliisitsisarnermiit 131.875 koruunit atorneqarnissaat siunnersuutigineqarpoq.

Atuilluartuunissakkut kingunerisinnaasai

Siuliani taaneqarluni aningaasaliissutit agguataarneqartarnerat kommunimi tamarmi eqqagassalerinerup pitsanngorsartuarneqarneranut iluaqutaasut, taamaalillunilu avatangiisit minnerpaamik mingutsinneqartartut nalilerneqarpoq.

Aningaasaqarnikkut allaffissornikkullu kinguneri

Allaffeqarfiup aningaasartuutigiumaagassaanut aningaasaliissutinik agguataarisarnej naleqqutut isigineqassaaq. Siuliani allassimasutut aningaasaliissutit agguataarneqassappata, suliniutit tamarmik immikkut stedkodilerlugit kontolersorneqassapput.

Allaffeqarfiup naliinnera

Namminersorlutik Oqartussat avatangiisinut suliniutinut aningaasaliinissaminnut siumoortumik akuersissutaannut tunngatillugu aningaasaleeqataassutissat missingersuusiarineqartarneri, Qeqqata Kommuniani illoqarfinni nunaqarfinnilu eqqagassalerinerup ineriartortinneqartuarnissaannut qulakkeerinneqataassasoq nalilerneqarpoq.

Tamatuma saniatigut avatangiisinut eqqagassalerinermullu suliniutinut tapiiffigineqarnissamik qinnuteqartut piumaffigineqartarput, kommunu eqqagassalerinermi pilersaarummik politikikkut akuersissutigineqarsimasumik nassitsissasut, suliniutillu eqqagassalerinermi pilersaarummi eqqaaneqarsimassasut imaluunniit eqqagassalerinermi pilersaarummut atassuteqassasut piumasaqaatigineqartarluni.

Innersuussut

Teknikkeqarnermut Avatangiisinullu ataatsimiititaliamut innersuussutigineqarpoq, qulaani siunnersuutigineqartoq malillugu 2022-mi avatangiisinik pitsanngorsaanissamut aningaasaliissutit atorneqassasut.

Aalajangerneq

Innersuussut akuersissutingineqarpoq

Ilanngussaq

Ilanngussaq1. Aningaasaliissutit atorneqarnissaannut siunnersuut.

Imm. 4.3 Aputaajaasarnermut aqqusinernillu tamanut atugassianik ingerlatsinermut maleruaqqusassatut siunnersuut

Journalnr. 00.49.

Tunuliaqutaq

Kommunalbestyrelsip 24.2.2022 ataatsimiinnermini akuersissutigivaa, piginneqatigiilluni illuutileqatigiiffinni kommuni aputaajaasassanngitsoq aamma aputaajaasarnermut ileqqoreqqusamik suliaqartoqassasoq.

Tamanna tunggavigalugu Teknikkeqarnermut Avatangiisinullu immikkoortortaq maleruassamut siunnersuummik kakkiunneqartumik suliaqarnikuvoq.

Maleruagassaigut tunggavissat

Karseqarnermut naatsorsuuserinermullu malittarisassat. Aqqusinernik aserfallatsaaliineq aputaajaasarnermu ilanngullugit TA teknikkikut ingerlatsinermi immikkoortumut akisussaasuvoq.

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq

Pissutsit atuuttut

Sisimiunut aqqusinermut maleruuaqqusamik aputaajaasarnermulluunniit maleruuaqqusamik siusinnerusukkut suliaqartoqarnikuunngilaq. Maniitsup Kommuneata aqqusinermut maleruuaqqusaa 1990-imeersoq, 2015-imi atorunnaarsinneqarpoq.

Taamaalilluni siunnersuut una Qeqqata Kommuniani aqqusinernut tamanut atugassianut maleruuaqqusaavoq siullerpaaq.

Kommunip nittartagaani aputaajaasarneq pillugu naatsumik ilanngutassiaqarpoq, ilanngussaq 2, Kalaallit Nunaanni kommunit allat ilassussaasa assingannik.

Atuilluartuunissakkut kingunerisinnaasa

Aqqusinernik aserfallatsaaliinernut aputaajaasarnermullu maleruuaqqusaq ersarissunik malittarisassartalik, innuttaasunut suliffeqarfinnullu sinaakkutinik ersarissunik pilersitsisarpoq.

Aningaasaqarnikkut allaffissornikkullu kingunerisinnaasai

Maleruuaqqusassamut siunnersuut maannakkut aserfallatsaaliisarnermik suliaqartarnermut assinguvoq, taamaalilluni ingerlatsinermut missingersuutinik allannguuteqartoqassanngilaq. Aputaajaasarnernup annertussusaata qaffanneqarnissaa imaluunniit aqqusinernik, majuartarfinnik pisuinnaallu aqqaannik annertunerusumik aserfallatsaaliinissaq kissaatigineqarpat, ingerlatsinermut aningaasaliissutit qaffanneqassapput.

Allaffeqarfiup naliinnera

Malittarisassat ersarinnerusut aserfallatsaaliinermi aputaajaasarnermilu suliassat qanoq agguataarisooqartarnerinik innuttaasunut suliffeqarfinnullu ersarissaassapput, taamaalilluni naammagittaalliutit ikinnerulersinnissaat neriutiginarluni.

Allaffeqarfiup innersuussutaa

Allaffeqarfiup Teknikkeqarnermut ataatsimiititaliamut kiongornalu kommunalbestyrelsimut innersuussutigivaa:

Aputaajaasarnermut aamma aqqusinernik, majuartarfinnik pisuinnaallu aqqaannik tamanut atugassianut maleruuaqqusaq akuersissutigineqassasoq.

Aalajangiineq: Innersuussut akuersissutingineqarpoq

- Ilanngussat:**
1. Aputaajaasarnermut aamma aqqusinernik, majuartarfinnik pisuinnaallu aqquaanik tamanut atugassianut maleruaqqusassatut siunnersuut 22.4.2022-meersoq.
 2. Siorarterisarneq aputaajaasarnerlu, kommunip nittartagaani ilanngutassiaq.

Imm. 4.4 Sisimiuni Maniitsumilu kalaalimineerniarfinni akit assigiinnissaat.

Journal nr. XX.XX.XX

Tunuliaqutaq

Maniitsumi Aalisartut Piniartullu Peqatigiiffiata (MAPP) aammalu Maniitsumi Umiatsiaararsortut Aalisartut Piniartullu Peqatigiiffiata (MUAPP) 13. januar 2022 Teknikkeqarfimmi ataatsimeeqatiginneranni aammalu 14. Januar 2022 allagaqarnermikkut kissaatigivaat kalaalimineerniarfimmi akit Sisimiuni atorneqartut aamma Maniitsumi atorneqalernissaat.

Teknikkimut ataatsimiititaliap ataatsimiinnerani 1. april 2022 pisumi kissaatigineqarpoq akinik aaliangiinginnermi kalaalimineerniarfimmik atuisunik tusarniaaneriit ingerlanneqaqqaassasut. Ulloq 23.05.2022 oqaluffitoqqami tusarniaasoqarpoq, aalisartut piniartullu ataatsimoorlutik akinik siunnersuusiorfigisaannik. Pisisartunik takkuttoqanngikkaluartoq oqallinnerit ingerlanneqarput.

Maleruagassatigut tunngavissat

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-meersoq.

Kalaalimineerniarfimmi maleruagassat Teknikkimut Avatangiisinullu Ataatsimiititaliap ulloq 17.01.2005 atuutilersitai.

Pissutsit atuuttut

Maniitsumi kalaalimineerniarfimmi akit 2017-imili aaliangersaavigineqarsimapput, tamannalu ilaatigut tunngavigalugu MAPP aamma MUAPP 13. januar 2022 ataatsimeeqatigiinnermi aammalu 14. Januar 2022 allagaqarnermikkut piumasarivaat Sisimiuni akit atorneqartut aamma Maniitsumi atorneqalissasut.

Sisimiuni kalaalimineerniarfimmi akit 2020-ip ingerlanerani allanngortinneqarput, taamaalilluni akigitinneqartut Maniitsumi Sisimiunilu assigiikkunnaarlutik.

November 2020-imi Maniitsumi MAPP aamma MUAPP kissaateqarnerisigut appat akii siulittaasup aaliangiineratigut qaffanneqarput, Sisimiuni akiusunut naleqqussarlugit.

Kalaalimernit tikiuttakkat allat eqqarsaatigalugit MAPP aamma MUAPP isumaqarput Maniitsumi akit sivisuallaamik allanngortinneqarsimanngitsut, Qeqqata Kommunanilu assigiimmik atugassaqtitsisoqassappat naleqquttuussasoq Sisimiuni atorneqartut aamma Maniitsumi atorneqalertariaqartut.

Qilalukkat, aarrit, umimmaat tuttullu assersuutigineqarput, isorartoorujussuarmik angalareerluni aatsaat pisarineqartarput, taamaammallu Sisimiuni akit qaffasinnerulaartut assigalugit aamma Maniitsumi akeqartariaqartut.

Tusarniaanermi aaliangiunneqarpoq piniakkanut aaliaangersimasunut Sisimiuni akigitinneqartuniit allaanerusumik akeqarnissaanik kissaatigineqartut MUAPP aamma MAPP ataatsimoorlutik siunnersuusiorfigissagaat taannalu ilanngussaq 4-mi takuneqarsinnaavoq. Ilangussami allaqqanngitsut kalaalimineerniarfinni tuniarneqartartut sinnerisa Sisimiuni akit atuuttut assigalugit inissinneqarnissaat piumasarineqarpoq.

Atuilluartuunissakkut kingunerisinnaasai

Nungusaataannigsumik aalisartutut piniartutullu inuussutissarsiuteqarneq taperserniarlugu, inuiaqatigiinni nalinginnaasumik akit qaffakkiartornerannut naapertuuttumik minnerpaamik

tunisinermi akit nalimmassarneqassapput. Taakkununga ilaassaaq naammaginatumik akitigut qaffasissusilimmik kalaalimineerniarfimmitt kalaaliminernik atuisut pissarsinissaasa qulakkeernissaat.

Aningaasaqarnikkut allaffissornikkullu kingunerisinnaasai

Kalaalimineerniarfimmitt pingaarnertut missingersuut sulii sulissutigineqassaaq, piffissamilu matumani tunisani kisitsisit allannguutigisinnaasaat tassunga nikissutaavallaarnaviannngitsooq nalilerneqarpoq, kisianni kalaalimineerniarfimmitt tunniussisartunut isumaqarsinnaalluni. Kalaalimineerniarfimmitt tunniussisartut tassapput aalisartut piniartullu, kalaalimineerniarfik aqputigalugu pisaminnik tuniniaasartut aammalu tuniniaasarnissamik isumaqatigiissummut ilaasut.

Akit allangortinneqarnissaanik kattuffiit kissaataannut tunngaviusooq, akinik assigiissaarinissap saniatigut tassaavoq ilaatigut ingerlatsinermi aningaasartuutit qaffasinneruleralluttuinnarneri, tassunga ilanngullugit nalinginnaasumik atortussarsiniarnermi akit qaffakkiartuinnarnerat, aalisarnermi piniarnermilu inuussutissarsiuteqarnermi atugassanut nioqqutissani nalinginnaasumik akit qaffakkiartornerannik ilalerlugu, kiisalu taakku nalinginnaasumik inuuniarnerminni aningaasartuutaat. Atuisunut kalaalimineerniarfimmitt pisisartuusut kalaalimineerniarfimmitt akinik qaffaanerit malugissavaat, soorlu pisiniarfinni nioqqutissat tikisitat akii qaffakkaangata aamma amlugineqartartoq.

Allaffeqarfiup naliliinera

Aalisartut piniartullu peqatigiiffiissa namminneq akinik nutaanik siunnersuuteqarnerata pitsaaqutigivaa, taakku nioqqutissat sorliit piumaneqarnerunersut kiisalu pissarsinissaq eqqarsaatigalugu nukinnik piffissamillu pisariaqartitsinera aallaavigalugu siunnersuuteqarsimmata. Taamaattumik nioqqutissani ataasiakkaani naammaginatumik akip qaffasissusissaanik pisarialimmik takunnissinnaanerunermikkut tulluarsaasimallutik. Akit tulluannngitsut qaffasippallaarlutillu appasippallaartut, naggataagut piniartut namminneq isaatitsinerannut malunniuttussanik.

Innersuussut

Teknikkimut avatangiisinullu immikkoortortap Teknikkeqarnermut Ataatsimiititaliamut kingornalu Aningaasaqarnermut Ataatsimiititaliamut akuereqqullugu innersuussutigaa,

- Ilanngussami 1-imi allanneqartutut, MAPP-mit aamma MUAPP-mit akinut allannguutissatut siunnersuutaasut akuerineqassasut, siunnersuutinilu allassimannngitsut akit Sisimiuni akit assigalugit inissinneqarnissaat akuersissutigineqassasooq.
- Akit juni-ip 15-ini 2022 atuutilissasut.

Aalajangiineq

Innersuussut akuersissutigineqarpoq

Ilanngussat

1. Maniitsumi akigitinneqartut.
2. Sisimiuni akigitinneqartut.
3. MAPP-ip MUAPP-illu ataatsimoorlutik allagaat
4. Tusarniaanerup kingorna akinut allannguutissatut siunnersuutit.
5. Maniitsumi Sisimiunilu akit sanilliunneri

Imm. 6.1 Maniitsumi Atuarfik Kilaaseqqap nutarsarneqarnissaanut sanaartornermut pilersaarutip 2022-mi maajimi killiffianik paasissutissiissut.

Journal nr. B-33, suliniut 500032.

Tunuliaqutaq

Maniitsumi Atuarfik Kilaaseqqamik atuarfimmik nutarsaanermit Teknikkeqarnermut ataatsimiititaliap aamma Ilinniartitaanermit ataatsimiititaliap aqutsisoqatigiupput. 5.5.2022-mi ataatsimiinnermi apriliimi killiffik pillugu paasissutissiineq imm. 6-itut ilaavoq.

Una aqutsisoqatigiinnut paasissutissiineruvoq taakkulu oqaaseqaateqarnissaannut maajimi killiffimmut nassuiaataalluni.

Maleruaqqusatigut tunngavissaq

Karseqarnermut naatsorsuuserinermullu malittarisassat. TA sanaartornermit immikkoortumut akisussaasuvoq, IA-lu ilinniartitaanermit immikkoortumut akisussaasuulluni, Namminersorlutik Oqartussaniillu ataatsimut tapiissuteqarnikkut, atuarfinnik nutarterinissat kommunimut tunniunneqarluni.

Pissutsit atuuttut

Sanaartornermit ataatsimiititaliap 16.5.2022-mi aappassaaneerluni ataatsimiippoq, takuuk ilanngussaq 1. Ataatsimiinnissaq tullesq 31.5.2022 ingerlanneqassasoq pilersaarutaavoq.

Nutarsaanermit kissaatit tiguneqarallarnikuusut taakkulu pingaarnersiorneqarallarnerat ilanngussami 2-mi allaqqapput.

R&T 2022-mi maajimi illup iluata silaannaanik nalunaarusiamik suliaqarnikuuvoq, takuuk ilanngussaq 3. Atuartut aasaanerani atuanninneranni suliniutissatut siunnersuutaasunik suliaqartoqarnissaa pillugu entreprenørimik isumaqatigiissusiortoqalerpoq.

Atuilluartuunissakkut kingunerisinnaasa

Atuarfimmi sulisunut atuartunullu pitsaasumik sulinermit avatangiisinik kommuni pilersitsippat atuilluartuunerussaaq. Nutarsaanermit oqorsaatini pitsanngorsaasoqassaaq, taamaalilluni illu ullutsinni nukissiuutitigut killigititaasunut piumasaqaataasunik malinnissinnaalissalluni.

Aningaasaqarnikkut allaffissornikkullu kinguneri

Pitsanngorsaanaasaaq nutarsaanissarluni pillugit kissaatit tiguneqarallarnikuusut taakkulu pingaarnersiorneqarallarnerat pigineqarput, pingaarnersiuinermit allattorsimaffimmik tamakkiisumik inaarutaasumik suliaqartoqarnissaa amigataavoq.

RT nalunaarusiaa naapertorlugu illup naqqani torersaanissami oqummillu piaanissami akimik pissarsiniartoqarpoq.

Allaffeqarfiup naliinnera

Atuarfimmut init agguataarneqarnerat suliarineqarpoq, naatsorsuinermit ini kigutilerisarfiullu initai ilaatinneqarput.

Pilersaarusernermit pisortaq Maniitsumiinnikuusimavoq inerniliullugulu, aqquserngup tungaanut innaallagissiorfikulluunniit atuarfik allineqarsinnaanngitsoq, taamaallaat ikerasaliap tungaanut.

Taamaattorli illup qaava portusineqarsinnaavoq. Atuarfimmut ilassusiinermit siunnersuutinit atugassap kigorna pilersaarusernermit tunngavissaaq nutaaq suliarineqassaaq.

Teknikkeqarnermut Avatangiisinullu ingerlatsiviup kiisalu ilinniartitaanermit ingerlatsiviup innersuussutaat

Allaffeqarfiup Teknikkeqarnermut ataatsimiititaliamut aammalu Ilinniartitaanermut ataatsimiititaliamut innersuussutigaa:

Maajimi killiffik eqqartorneqassasoq, oqaaseqarfigineqassasoq tusaatissatullu **tinguneqassassoq.**

Aalajangiineq:

Innersuussut tusaatissatut tinguneqarpoq.

Ilanngussat:

Ilanngussaq 1: Sanaartornissamut ataatsimiititaliap 16.5.2022-mi ataatsimiinneranit imaqarniliaq.

Ilanngussaq 2: Nutarsaanermut kissaatit allattorsimaffiat pingaarnersiunerugallartorlu.

Ilanngussaq 3: R&T illup iluani silaannaq pillugu naluaarusiaa maj 2022

Imm. 08 Tamalaat

Barnabas Larsen Kangaamiuni majuartarfiassat apeqqutingaai, qisuit nunaqarfimmut tikinnikummata. Ulrik Lyberth nassuujaavoq aningaasanik immikkoortitsisoqarnikuunngimmat, immikkulli aningaasanik qinnuteqartoqarnissaq periarfissaavoq.

Qaartiterisut Kangaamiuniinneranni immikkut aamma aningaasanik qinnuteqaat nassiunneeqarnikuuvoq, Ulrik Lyberth-imut allangaqaat nassiunneqassooq.

Nive H. Eframsen

Sarfannuanut angalasoqassooq 16. Juni aammalu Juli 2022 naalernerani angalaffingineqassooq.

20. juni 2022 kingusinnerpaamik ekstra ordinær ataatsimiisitsisoqassooq, tamannalu nalunaarutingineqarumaarpoq.